



Adresa: Ul. Hamdije Čemerlića 39
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: UP-I/25-3-40-292-5/21
Datum: 22.07.2021. godine

„Agencija za vodno područje rijeke Save“ Sarajevo rješavajući po zahtjevu pravnog lica „Radava“ d.o.o. Fojnica za izdavanje vodne dozvole za aktivnosti koje mogu imati specifične uticaje na vode pri radovima na eksploataciji i preradi mineralne sirovine kvarckeraťofira na lokalitetu PK „Radava“, Donja Radava, Općina Kreševó, na osnovu člana 139. stav (1) tačka 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE o vodnoj dozvoli

1. Pravnom licu „Radava“ d.o.o. Fojnica daje se vodna dozvola za aktivnosti koje mogu imati specifične uticaje na vode pri radovima na eksploataciji i preradi mineralne sirovine kvarckeraťofira na lokalitetu PK „Radava“, Donja Radava, Općina Kreševó.

2. Ova vodna dozvola se odnosi isključivo za aktivnosti koje mogu imati specifične uticaje na vode na lokaciji kompleksa objekata definisanih tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo poljoprivrede, vodoprivrede i šumarstva Srednjobosanskog kantona, u skladu sa članom 139. stav (2) tačke 1. i 2. Zakona o vodama.

3. Rješenje o vodnoj dozvoli je doneseno na osnovu pregleda dokumentacije kojom raspolaže podnositelj zahtjeva, dostavljenog dinamičkog plana ulaganja (spisak aktivnosti i mjera sa finansijskom procjenom za ulaganje u cilju smanjenja emisije sa predloženim završetkom aktivnosti), pod slijedećim uslovima:

3.1. Da se izvođenje radova na prostoru eksploatacije, prerade mineralne sirovine kvarckeraťofira, radno manipulativnim površinama, drugim prostorima i pratećim objektima infrastrukture vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.

3.1.1. Da se na terenu sve aktivnosti realizuju u skladu sa dostavljnim Dinamičkim planom izvođenja radova sa preciziranim rokovima njihovog izvršenja na prostoru eksploatacije, prerade mineralne sirovine kvarckeraťofira, radno manipulativnim i drugim pratećim površinama i sadržajima, broj:105/21 od 19.07.2021. godine. Krajnji rok za realizaciju svih aktivnosti je mjesec decembar 2023. godine. Navedeni dinamički plan realizacije aktivnosti na terenu je sastavni dio ovog rješenja.

3.1.2. Da se sagledaju svi mogući neželjeni uticaji voda kako na kompleks objekata definisanih tačkom 1. ovog Rješenja, tako i uticaj izgrađenih objekata na druge objekte i postrojenja, stečena prava korisnika, postojećú infrastrukturu, te na terenu preduzmu mjere za uklanjanje istih.

3.1.3. Nakon okončanja svih aktivnosti na terenu ukoliko dođe do odstupanja u odnosu na projekat: Glavni projekat snabdijevanje vodom, odvodnje i zbrinjavanja otpadnih voda kamenoloma „Radava“, urađene od strane „ES Hydrotechnics“ d.o.o. Sarajevo, april 2011. godine investitor „Radava“ d.o.o. Fojnica je u obavezi da izradi projekat izvedenog stanja-hidro faza, sa svim izmjenama i dopunama.

3.2. Da se objekti čija je svrha odvođenje i prečišćavanje onečišćenih voda (betonski i zemljani taložnici, separator ulja i masti, betonski i zemljani kanali i slivnici, kanalizaciona mreža i

dr.) redovno održavaju i koriste na način koji će obezbijediti njihovu potpunu ispravnost i funkcionalnost.

3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.5. Da se istrošena ulja, nauljene krpe i sav opasan otpad koji će nastati u procesu održavanja mehanizacije, redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

3.6. U toku izvođenja radova kao i same eksploatacije iskopani materijal (mineralna sirovina i jalovina i dr.) ne smiju ni privremeno odlagati na česticu „vodno dobro“, odnosno u vodotok i na njegove obale.

4. Vlasnik odnosno korisnik objekta je obavezan vršiti plaćanje vodnih naknada u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).

5. U periodu važenja ove dozvole, pravno lice je dužno provoditi sve mjere i aktivnosti propisane istom.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. U ovoj upravnoj stvari plaćene su sve upravne pristojbe.

10. Vodna dozvola se daje na određeni period do mjeseca decembra 2023. godine shodno članu 13. stav (5) Uredbe o uslovima ispuštanja otpadnih voda u okoliš i sisteme javne kanalizacije. Prije isteka ovog roka pravno lice je dužano zatražiti produženje iste. Ova vodna dozvola prestaje da važi u slučaju da se ne ispune uslovi iz tačke 3. ovog rješenja. Sastavni dio ovog Rješenja je Dinamički plan izvođenja aktivnosti sa tačno preciziranim rokovima njihovog izvršenja na prostoru kompleksa objekata i sadržaja „Radava“ d.o.o. Fojnica, broj:105/21 od 19.07.2021. godine.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Radava“ d.o.o. Fojnica obratila se ovoj Agenciji sa zahtjevom za donošenje rješenja o vodnoj dozvoli za aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine kvarckaratofera na lokalitetu PK „Radava“, Donja Radava, Općina Kreševo.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A- Opća dokumentacija

- Aktuelni izvod iz sudskog registra, broj:051-0-RegZ-21-000498 od 02.04.2021. godine izdat od strane Općinskog suda u Travniku – ovjerena kopija,

- Uvjerjenje o poreznoj registraciji od 08.06.2016. godine izdato od strane Kantonalnog poreznog ureda Novi Travnik – ovjerena kopija,

- Uvjerjenje o registraciji/upisu u Jedinstveni registar obveznika indirektnih poreza, broj:04/1-17-1-UPJP/1-6545-2/17 od 08.11.2017. godine izdato od strane Uprave za indirektno-neizravno oporezivanje Banja Luka – ovjerena kopija,

- Punomoć podnosioca zahtjeva, broj:084/2021 od 21.06.2021. godine,

- Ugovor o koncasiji za istraživanje i eksploataciju kvarckaratofera na lokalitetu „Radava“ Općina Kreševo, broj:146-02 od 27.09.2002. godine potpisan sa Ministarstvom privrede Srednjobosanskog kantona – kopija,

- Rješenje-građevinska dozvola, broj:06-23-603 od 26.07.1999. godine izdato od strane Općine Kreševo – kopija,
- Rješenje o potvrđivanju rezervi, broj:04-312-281/97 od 11.02.1997. godine izdato od strane Federalnog ministarstva energije, rudarstva i industrije – kopija,
- Rješenje o odobrenju za postupanje po Glavnom rudarskom projektu, broj:04-312-1075/97 od 21.03.1997. godine izdato od strane Federalnog ministarstva energije, rudarstva i industrije – kopija,
- Rješenje o ispunjavanju uslova za obavljanje registrirane djelatnosti, Up/I broj: 09-18-764/98 od 07.07.1999. godine izdato od strane Federalnog ministarstva energije, rudarstva i industrije – kopija,
- Rješenje o okolinskoj dozvoli, broj:UP-I 05/2-23-11-81-2/14 SN od 16.07.2014. godine izdato od strane Federalnog ministarstva okoliša i turizma – kopija,
- Ugovor o poslovnoj saradnji za monitoring otpadnih voda za kamenolom Radava i lokaciju separacije kamenoloma Radava broj:33/11 od 29.03.2011. godine potpisan sa „Inspekt RGH“ d.o.o. Sarajevo – kopija,
- Rješenje o vodnoj dozvoli, broj:UP-I/25-3-40-236-5/16 od 15.06.2016. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj:06-21-2807/21 od 02.06.2021. godine izdato od strane Ministarstva poljoprivrede, vodoprivrede i šumarstva Srednjobosanskog kantona – kopija,
- Izjava podnosioca zahtjeva za izdavanje Rješenja o vodnoj dozvoli, broj: 085/2021 od 21.06.2021. godine,
- Zapisnik, broj:07-02-14-36/20 od 04.03.2020. godine napravljen od strane Inspektorata Ministarstva privrede Srednjobosanskog kantona – kopija,
- Zapisnik, broj:07-02-54/19 od 24.09.2019. godine napravljen od strane Inspektorata Ministarstva privrede Srednjobosanskog kantona – kopija,
- Zapisnik, broj:07-02-35/19 od 11.07.2019. godine napravljen od strane Inspektorata Ministarstva privrede Srednjobosanskog kantona – kopija,
- Zapisnik, broj:07-18-45/18 od 14.09.2018. godine napravljen od strane Inspektorata Ministarstva privrede Srednjobosanskog kantona – kopija,
- Zapisnik, broj:07-18-34/18 od 10.07.2018. godine napravljen od strane Inspektorata Ministarstva privrede Srednjobosanskog kantona – kopija,
- Dinamički plan -Termin plan mjera i aktivnosti za smanjenje emisija u vodotok sa površinskog kopa „Radava“ sa rokovima i procjenom finansijskih sredstava, broj: 105/21 od 19.07.2021. godine,
- Dokaz o uplaćenju upravnoj pristojbi na zahtjev.

B. Tehnička dokumentacija

- Glavni projekat snabdijevanje vodom, odvodnje i zbrinjavanja otpadnih voda kamenoloma „Radava“, urađene od strane „ES Hydrotechnics“ d.o.o. Sarajevo, april 2011. godine
 Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije utvrđeno je sljedeće:

Uvidom u sadržaj Rješenja o vodnoj dozvoli, broj:UP-I/25-3-40-236-5/16 od 15.06.2016. godine izdatog od strane Agencije za vodno područje rijeke Save, Sarajevo konstatovano je da je kamenolom bio neaktivan u vremenskom intervalu od 2012.-2016. godine.

Odnosno, Kantonalna inspekcija je u okviru svojih redovnih inspekcijских nadzora konstatovala da se ne vrši proizvodnja, prerada niti plasman mineralne sirovine, a što je i konstatovala u svojim Zapisnicima broj: 04-18-281/12 od 04.04.2012. godine, broj:04-18-15/15 od 11.12.2013. godine, broj:04-18-02/14 od 25.03.2014. godine, broj:04-18-12/14 od 01.09.2014. godine i broj:04-18-09/15 od 18.06.2015. godine.

Nadalje, uvidom u ovaj zahtjev za izdavanje rješenja o vodnoj dozvoli konstatovao je da je kamenolom i dalje neaktivan, a što je takođe konstatovano i u Zapisnicima broj:07-02-14-36/20 od 04.03.2020. godine, broj:07-02-54/19 od 24.09.2019. godine, broj:07-02-35/19 od 11.07.2019. godine, broj:07-18-45/18 od 14.09.2018. godine, broj:07-18-34/18 od 10.07.2018. godine sačinjenim od strane Inspektorata Ministarstva privrede Srednjobosanskog kantona (geološki, rudarski, vodni).

U toku su aktivnosti na odabiru strateškog partnera i u planu je da se u narednom periodu ponovo pokrene proizvodnja mineralne sirovine kvarceratofira na površinskom kopu -kamenolomu „Radava“, općina Kreševo.

Investitor planira da u narednom periodu pristupi realizaciji projektovanih aktivnosti na terenu u skladu sa projektnom dokumentacijom: Glavni projekat snabdijevanje vodom, odvodnje i zbrinjavanja otpadnih voda kamenoloma „Radava“, urađene od strane „ES Hydrotechnics“ d.o.o. Sarajevo, april 2011. godine.

U skladu sa zahtjevima Uredbe dostavljen je detaljan Dinamički plan ulaganja (spisak aktivnosti i mjera sa finansijskom procjenom za ulaganje u cilju smanjenja emisije sa predloženim završetkom aktivnosti), broj: 105/21 od 19.07.2021. godine. U skladu sa dinamičkim planom pravno lice će sve aktivnosti na terenu okončati zaključno sa mjesecom decembrom 2023. godine.

U prethodnom postupku Investitor „Radava“ d.o.o. Fojnica je imala ishodovano rješenje o okolinskoj dozvoli izdato od strane nadležnog Federalnog ministarstva okoliša i turizma. U međuvremenu valjanost rješenja je istekla te je investitor u dinamičkom planu predvidio da će predmetno rješenje ishodovati do kraja 2021. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „Radava“ d.o.o. Fojnica ispunio minimum uslova za izdavanje vodne dozvole za aktivnosti koje mogu imati specifične uticaje na vode sa prostora površinskog kopa-kamenoloma kvarceratofira (tehničkog kamena eruptivca) na lokalitetu „Radava“, općina Kreševo, te je riješeno kao u dispozitivu ovog Rješenja. Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog:

- Tehnička dokumentacija navedena pod tačkom B obrazloženja rješenja

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- „Radava“ d.o.o. Fojnica
Samostanska 971270 Fojnica (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava